

qui vagus est, flatuum copiam indicat: fixus verò & parti malè affectæ inhærens, præ cæteris alijs membris colon intestinum, renes, aures & dentes affligit. Quinetiam dolor alius continuus est, qui membrum primario affectu & proprio conflictari significat: alius denique sæpius intermittens est, qui corporis partem consensu alterius, malè affici declarat.

I *A proprijs accidentibus signa partium malè affectarum, & affectuum sumi.*

C A P. V.

Proprias partium affectarum & affectuum accidentia intelligimus quęcunque necessario ea consequuntur. Talia autem sunt (exempli gratia) vngues adūci, qui tabem eis significant, quibus apparent. Sic, lingua nigricans & scabra ardentem febrem, rubor genarum peripneumoniam: pungens lateris dolor pleuritidem, color totius corporis citrinus iecoris, niger verò lienis obstructionem indicat. Alui item deiectio lotioni carnis recens maceratae similis imbecillitatem iecoris, perinde atque hydrops frustratam sanguificationem significat. Atque priorum accidentium nomine singularum corporis partium proprios affectus etiam intelligere possumus: Huiusmodi autem sunt apoplexia, epilepsia, catoche,